

Шогшо эл, порымиз да гимн берг!

Будь готов/

ЯМДЕ-ЛИЙ

1933 ий 1 февраль годсек лектеш.

0+

Куштымаш – чон воштончыш



Фотом ансамблын архивше гыч налме.

ПОДПИСКЕ

**2021 ийын
кокымшо пелий-
жылан «Ямде
лий» газетлан
возалтында?
Вашкыза!**

29 апрель – Куштымашын тўнямбал кечыже.

Куштымаш гоч тўрлө калыкын ойыртем-жым, йўлажым, койыш-шоктышыжым пален налаш лиеш. Марий сем почеш кидым лывыргын тарватылмаш, тавалтен колтымаш кажнын кумылжым савырат. Тиде усталыклан йоча-влак изинек шўмангын кушкыт. Шернур район Лажъял школ пеленысе «Калейдоскоп» йоча ансамблын (**снимкыште**) сценышке лекмекеже, шинчам корандыде ончет. Ёдыр-влак пуйто йўксыла ийыт, рвезе-влак патырын тавалтат. Ансамбль 1-9-ше класслаште тунемше 20 наре ёдыр-рвезым уша. Изи артист-влак тўрлө конкурсышто мастарлыкыштым тергат. «Изи мёр пеледыш», «Самырык тукум» республикысе конкурслаште эре ончылно улыт. Нуно Алабуга вел, тошто марий, курыкмарий, солык дене куштымаш-влакым ончыктат. Ёдыр-рвезе-влакым А.Ю.Волкова туныкта.

– Марий куштымаш гоч чон көргө шижмашым почына. Калыкын шыма койыш-шоктышыжым ончыктена. Марий йўлам арален кодымаште куштымашын надырже изи огыл. Шорыкйол пайремын да марий сўянын йўлаштым модына, – оила ансамблым вуйлатыше Анжела Юрьевна.

Х.АЛЕКСАНДРОВА.

**Ак – 363 тенгеат
18 ыр.**

Индекс – П4696.



Рекламе.



Йўлаште – тўняончалтыш

Республикысе марий тўвыра рўдер самырык тукумым калык йўлалан кумыландыме шонымаш дене республикысе школлаште «Марий йўла» марафоным эртара. Шукерте огыл тыгай мероприятий Кужэнер район Конганур школышто лийын. Тушко 5-8-ше класслаште тунемше-влак ушненыт. Ўдыр-рвезе-шамыч, командалан шелалтын, марий йўла дене кылдалтше квест-модышышто уш-акылыштым тергенит. Тўрлő марий калык модыш дене модыныт (снимкыште).

– Йўлашке, пайремышке калыкын тўняончалтышыже, паша, еñ кокласе кыл нерген умылымашыже шындалалтыныт, – ойлен рўдер вуйлатышын алмаштышыже В.Г.Петров.

Мероприятий мучаште «Кугече» видеофильмым онченит.

Х.АЛЕКСАНДРОВА ямдылен.

Фотом рўдерын архивше гыч налме.

Сенымаш

Регби дене Юл кундем федерал округын первенствыже Пенза олаште эртаралтын. Тушто 16 ияш марте рвезе-влак таңасеныт. Марий Элын «Красный город» командыже 2-шо верым сенен налын. Ярослав Князевым эн сай модшо семын палемденит.

Тазалык арня

1-ше номеран Шернур школышто Тазалык арня эртаралтын. Тазалык – пўртўсын пуймо поянлыкше. Айдеме таза гын, кумылжат уло, пашамат виян ыштен



кертеш, илышлан куана. Школыштына «Весела старт» таңасымаш лийын. Тушко кажне класс ушнен. Мемнан девизна: «Таза капыште – таза чон».

Костя ИВАНОВ.

Шернур район.

Историйым шергалына

Кугу Ачамланде сар годым 1945 ий 25 апрельыште Эльбаэнер серыште верланыше Тлоргау олавоктене совет да американ войска-влак вашлийыныт.



Российысе увер

1-9-ше класслаште тунемше-влак, «Юный предприниматель и финансовая грамотность» всероссийский онлайн-олимпиадыш ушныза. Тудо 17 май марте шуйна. Олимпиаде Учи.ру онлайн платформышто эртаралтеш.

13-17 ияш ўдыр-рвезе-влак «В фокусе – детство» всероссийский конкурсышто мастарлыкыштым терген кертят. Журналист пашам urmk_12@mail.ru адрес дене электрон почтыш 10 сентябрь марте колтыман.

Кажне кумылан еñ 27 апрель гыч 22 июнь марте «Красная гвоздика» всероссийский патриотический акцийыш ушнен кертеш. Тўрыс уверым ramyatpokoleniy.ru сайтыште ончыза.

Марий Элысе увер

Республикысе йоча да самырык-влаклан В.Х.Колумб лўмеш книгагудо 4-7 ияш ўдыр-рвезе-влакым «О войне, о мире, о Победе» регион-влак кокласе дистанционный лудмаш конкурсышко ушнаш ўжеш. Почеламутым лудмым видеошко войзыза да 28 апрель марте колтыза. Тўрыс уверым rubcolumba.ru сайтыште лудса.

Республикысе марий тўвыра рўдер 14-35 ияш-влаклан «Сенымашлан – мур-пöлек» онлайн конкурсым увертарен. Патриот шўлышан марий мурым йонгалтарымым видеош войзен, maricentr_konkurs@mail.ru адрес дене электрон почтыш 5 май марте колтыман.

Марий Эл Республикысе Роспотребнадзор управленийын увертарымыш почеш, игече шокшемме дене пудий шарлен. Сандене тўткő лийза. Сад-пакчашке лекмекат, ўмбал вургемдам тергыза.

Йошкар-Олаште верланшыше Республикысе йоча да самырык-влаклан йоча технике усталык рүдерыште лежгонструирований, робототехнике, судомоделирований, 3D моделирований, авиамоделирований, анимаций да моло кружок-влак пашам ыштат. «СТИК» йоча студий уло. Тудым Н.В. Шаропин вуйлата. Тушто игровой кинолан да мультимедийлан кугу тукшыым ойырат.



Фотом рүдери архивше гыч налме.

Студийыште йоча-влак фильм тунгалтышгыч мучаш марте ямдылаш тунемыт. Тудо икмыняр йыжын гыч шога. Тидын дене Николай Валерьевич палдара:

– Эн ондак фильм але тыглай видеом могай темылан войзышашым рашемдыман. Тиде куштылго паша огыл. Ик

минут веле шуйнышо видеомонтаж ала-мом онайым, ойырте-малтышым ончыктен моштыман. Кокымшо йыжын – сценарийым возымаш да тудлан сүретым ямдылымаш. Войзашлан командым чумьрыман. Кушто, мом, кузе сниматлыме нерген ончылгоч канашыман. Вес йыжын эн онай – войзымаш. Тылеч вара кадр-влакым компьютерыш кусарыман да келшыше программе дене фильмым чумьрыман. Кадр-влакым йўкандыман, сорастрыман, титрым возыман. Тиде видеомонтаж маналтеш. Кином войзаш куштылго, а онай сценарийым возаш нелырак. Тидлан фантазий сайын пашам ыштышаи. Садлан йоча-влаклан шуко книгаг лудаи да сай фильм-влакым ончаш тыланем.

Х.АЛЕКСАНДРОВА.

Ончыльен

Кö тугай талешке? Тидын шотышто ятыр шонкаленам. Мый И.С.Ключников-Палантайым талешкылан шотлем. 12 апрельыште тудын шочмыжлан 135 ий темын. Иван Степанович – марий мурсем тўняште кугу айдеме, икымше марий композитор. Марий калыкым пагалымыже, мурсымы аклымыже, изинек шонымашке шуаш тыршымыже сенгымашым конденыт. И.С.Палантай марий семым уло тўнялан палдарен. Мый туддене кугешнем.

**Даша КУШАКОВА.
Морко, Коркатово.**



Костя АНТОНОВЫН
сүретше.
Волжский, Сотнур.

Иза-шольо келшымашын вийже

– У спектакльлан негызым «Кырла 111» проект ыштен. Тыгодым Испаний, Германий, Франций да моло элалаште илыше студент-влак Йыван Кырлан «Шочмо кече» почеламутышым шке йылмышт дене лудыныт. Тылеч вара иза-шольо калык-влак нерген спектакльым шындаш шонымаш шочын, – ойла спектакльын режиссёржо Степан Пектеев.

Сюжет почеш, самырык студент-антрополог тўнямбал йылме лагерьышке логалеш. Спектакльыште артист-влак шым – марий, финн, итальян, испан, немьч,

француз, англичан – йылме дене мутланат. Тўрлö калыкын илышыже, тўвыраже дене палыме лияш, йылмым тунеманым, артист-влак йот-элласе студент-влак дене вашкылым ыштеныт. Марий чодырашке миен, лагерь илышын могай лийшашыжым рашемденыт.

М.Шкетан

лўмеш Марий национальный драме театрын артистше-влак «Folks»

у спектакльым калык ончыко
25 апрельыште луктыт.

«Folks» рвезе-влак, самырык-влак маным ончыкта.



Фотом театрын архивше гыч налме.

Книга -
мемнам
пойдарыше ате,
но шкеже
ок пугаи.

А.Декурсель.

#Пүмгече



Россий писатель ушемын енге, Марий Эл тўвыран сулло пашаенже Р.И.Николаева (Мардан Рая) 20 апрельште 75 ийым темен. Тудын дене ваш-лийын мутланышна.

– Раисия Ивановна, йоча жап-да, школышко коштмо пагытда могай шарнымашым коденыт?

– Йоча жапем эн мотор вершорыштö, Волжский район Корамас кундемысе Чодыраялыште, эртен. Ялыште шочмемлан изиэм годсек куанен илем. Ме илышым вожшо гычак ужын кушкынна. Могай тудо лийме, кузе корнына тапталте нерген эре шоненна. Ончыко ончаш, шонымашыш шуаш – тыгай ўжмаш дене школышто тунемынна. Ончыкылык профессий нерген шонен огынал гынат, тунемаш, Айдеме лияш тыршенна. Мый марий йылмым чот йöратенам. Тудо вўрышкемак шынген. 8-ше класс марте ялысе школышто тунемынна. 9-ше класслан Сотнур школыш кусареныт. Ик ий мөнгеш-оньыш шым менгым коштынна. Йочам годым авам эн ўшанле энгертышем, чон ласкалыкем лийын. Садлан ни могай ойгым ужын омыл. Тидлан кызытат Юмылан тауштем.

– Сылнымут корныш шогалаш мотаратен?

– Сылнымутлан пеш чот кумылан лийынам. Шуко книгаг луддем полшен. Почеламутым наизусть тунемаш йöратенам. Школышто пырдыжгазетым лукташ келшен. Редколлегийште лийынам, заметкым, почеламутым возкаленам. Технический образованийым налмеке, чон йодмо сомы-

лым шуктен кертын омыл. Пашам ышташ тўналмеке, пырдыжгазетыште марла возаш верым ойыраш йодынам. Иктат тореш лийын огыл. Марий ўдырамаш-влакын серыме очерклаштым тушан савыктенам.

Марий улмем дене илышем тўзланен.

– Те йоча-влаклат сылнымутым возеда. Ала уныкаландат пöлекленда?

– «Сылне пагыт» книгашке йочалан возымо индеш почеламутемым пуртымо. Нунылан семым кельштарыме. Илавий уныкамлан пöлеклыме почеламутем мурыш савырнен. Уныкам Москошто ила. Ты мурым Йошкар-Оласе Никонов площадьыште эртаралтше марий пайрем годым икымше гана колын. Моткоч куанен. Тудо марий улмыж дене кугешна.

– Могай книгаг лудаш йöратеда?

– Произведений шўм гыч лекше лийшаш. Лудшо ег йылмын чонжым шижшаш. Тунам лудаш куштылго, возашат кумыл лектеш. Книга-влак эре воктенемак улыт. Александр Пушкин, Сергей Есенин гыч тўналын тачысе самырык возышо-влак йотке лудам. Марий поэт-влак кокла гыч Геннадий Сабанцевын, Альбертина Иванован, Зоя Дудинан сылнымутышт лишыл.

– Йоча-влак книгаг утларак лудышт манын, могай ой-кашашым пуэда?

– Икшыве-влакын яра жапышт шагал лийже манын тыршыман (телефонлан жап ынже код). Кызыт йоча-влаклан келшыше шуко мыскара ойлымаш уло. Нуным кажне классыште посна урок семын тунемше-влак-лан лудыктат гын, пеш сай лиеш ыле. Йочасадыште йомакым лудман. Книга дене жапым утларак эртарыман. «Ямде лий» газетшым кажне суртышто налшаш улыт.

Е.ИВАНОВА мутланен.

Фотом еш архив гыч налме.

Марий улмем дене кугешнем



Чеверын, курчак пагытмел

Шарнем, кузе мыйым авам Конден, йочасадыш вўден. Орынам мый тунам, лўдынам, А варажым моткоч чот келшен. Тау тыланет, садикем, Тау, кö мемнам шыматен, Аванам алмаштен мыланна, Садлан ме таум ойлена. Весела тыште лийын эре, Жапна эрталалын шижде. Чеверын, шўмбел садикна, Вес ий парт коклаш шинчына.

#Луд#Лончыло#Лий_ончылно

#Лүмгече

«Ямде лий» 2021 ий 23 апрель

Фотом школы архивше гыч налме.



«Исенековым шарналын»

Уста серызе Валентин Исенеков Буймо школышто тунемын. Ме тудын лүмеш «Исенековым шарналын» мероприятийым эртаренна (снимкыште). Тудын илыш корныжым шергалынна, йоча-влакым усталык пашаже-влак дене палдаренна. Изирак класслаште тунемше-шамыч почеламутым лудыныт. Тўвыра пашаен-влак Валентин Исенековын возымо почеламутшылан мурым йонгалтареныт. Серызын произведенийлаже почеш усталык паша ончерым почынна.

Л.З.ЮЗЫКАЕВА.

Татарстан, Агрыз.

Лүм: Юрий Дмитриевич Дмитриев (Эдельман).
Шочын: 1926 ий 30 апрельште, Моско олаште.

Тунемын: Москосо Кугыжаныш университетын филологий факультетыштыже.

Произведенийже-влак: «Зелёный патруль», «Зелёный поезд», «Матрос Железняк», «Кто в лесу живёт и что в лесу растёт», «Тропинка в лесу», «Человек и животные», «Тринадцать чёрных кошек» да молат. Юрий Дмитриевичын тўн темыже –



Руш писатель-натуралист Ю.Д.Дмитриевын шочмыжлан – 95 ий.

Геройжо-влак кушкыл, янлык, энгыремыш, кошпанге-влак улыт.
Паша: Москосо школышто руш йылмым да литературым вўден.

Анаграмме

Кўчык марий шомак ден буква-влакым ушен, руш классик-влакын фамилийыштым палыза.

ороЛ+вет+м+н= киД+сотой+вес=
Пасу+вий+тос+к= вынер+ший+Чес+к=
окМак+вий+я+с= вер+Туге+н=
йол+Тос+т= Товар+кид+с+й+в=

«Русская словесность» кружокын енгже-влак.

Волжский, Сотнур.

#Сўрет_ончер



Увер

24 апрельште 18 шагат гыч 22 шагат марте С.Т.Мавайн лїмеш Национальный библиотеке «Библиойїд» акцийым эртара. Темыже – «Книга – шїдыр дек корно». Тїцко кажне кумылан ең ушнен кертеш.


#Лудшо_ен-ончыльен

Снимкыште Советский район Кельмаксола школын тунемшыже Таня Тетеринам ужыда. Йўратыме урокшо-влак – марий йылме да литератур. Шочмо йылмын поянлык-шым умылаш да аклаш туныктышыжо И.В.Караваева полша.

– Ирина Валерьяновналан кўра марий сьлнымутым йўратен шынденам, – ойла Таня. – Яков Павлович Майоров-Шкетанын мыскара ойлымашыже-влакым тїңалтыш класслаште тунеммем годымак куанен лудынам. Мыняр шуко лудат, йылме тунар лывырга.

Сочиненийым возымо годым сьлнымутым палы-маш кугун полша.

Кокымшо вер



Е.ИВАНОВАН фотожо.

Мый сўретлаш йўратем. Шукерте огыл Агния Бартон произведенийже-влак почеш всероссийский йоча сўрет конкурсышто мастарлык-кемым тергенам. Моткоч сай увер толын: кокымшо верыш лектынам. Мый пеш йывыртенам. Ончыкыжым эшеат чаплын сўретлаш тўналам.

Саша СТЕПАНОВА.

Волжский, Упшер.

Россий Федерацийысе цифровой вянгмаш, связь да массовый коммуникаций министрствын окса польшыж дене лукмо.





мыйым, могай сылне
Почемже, почемже,
кугешнет! – икана Рывыж ойла.
Пире вуйшияш чодыра оза
деке кая. Радамын каласкален,
чонжым луштара. Маска вес кечын
чумыр янлыкым кангашы-
машке пога. Лач Рывыж тушко
ок мий. Чодыра оза пентгыдын
пелешта:

Ик кугу чо-
дыраште изи Ры-
выж илен. Моктанаш
моткоч йоратен.

– Эй, Пире, сур
тўсан
у л а т
да мо-
торын
к о я м,
шонет?
Ончал
улам!

Моктаныше Рывыж



– Мемнан коклаште моктаныше янлык
уло. Тиде пеш уда койыш! Тудым туныкташ
кўлеш! Тачысе кече деч вара изи Рывыж дене
келшымым чарнена. Тореш огыдал?

Янлык-влак икой дене келшат. Йолташ-вла-
кын мутланымыштым изи
Рывыж йыштак колышт шога.
Ойганымыз дене шортын колта
да кангашыше-влак ончыко
вуйым сакен лектын шогалеш.

– Мый йонгылыш лийынам.
Ынде чыла умылышым. Мыйым
ида шылтале, – мўгырен шор-
теш Рывыж.

Тиддеч вара Рывыж нигунам
моктанен огыл, маныт. Арамлан
огыл калык ойла: «Моктанышын
ўмыржō кўчык».

Юлия ИВАНОВА,

Марианна КУШАКОВА.

Морко, Коркатово.

Кроссворд

«Марий ден маска»
йомак почеш



Шола гыч
пурлашке:

2. Чодырашке пу руаш
кō миен? 4. Маскан
умшаштыже мо лийын?

5. Марий мландын поянлыкше.

Кўшыч ўлыкō:

1. Чот виан айдеме. 3. Марий мо дене пум
руэн?

В.СМИРНОВ ямдылен.

Агытан ден Чыве

Иленыт улмаш Агытан ден Чыве. Икана
Чыве икымше муным мунча. Умбакыже –
кокымшо, кумшо... Чывигым пўктен лукташ кумыланеш.

Икмынар жап гыч чывиге-влак лекташ
тўналыт. Агытан ден Чыве
кечыгут чывигышт йыр
пōрдыт.

Агытан йывыртен,
онжым кадыртен, шул-
дыржым шаралтен,
муралтен колта:

«Ке-ке-рек-кре-е-ек! Суртыш ямым
мый пурте-ем!» Чыве ваштарешыже
шогалешат, «Чыным ойлет, чыным
ойлет!» манын, йолжо дене алмаш-
алмаш мландым удыра. Чывиге-влак,
тидым ужын, аваштын удырымыж
почеш шукшым кычалаш пижыт.

Тыге Агытан, Чыве да чывиге-
влак курымеш пырля келшен илат.

Лилия АЛЕКСАНДРОВА.

Морко, Унчо.

Поро эрге

Иленыт улмаш кува ден кугыза. Нунын
Ййван лўман эргышт лийын. Тудо поро кумы-
лан, пўсō уш-акылан да патыр кушкын. Икана
Ййван чодырашке пу руаш кая. Ваштарешыже
ава Маскан шортын толмыжым ужеш.

– Мо лийынат, Маска? – йодеш.


– Ала-могай осал ен-влак капканым шынде-
ныт. Тушан игем пижын. Полшо мыланна,
поро рвезе, – сōрвала чодыра оза.

Ййван тыманмеш маскаигым утара.
Нуно, таум ойлен, мōнгышкышт
ошкылыт.

Маска-влак Ййванын поро паша-
жым монден огытыл. Кажне
кенежым ир мўйым конденит.
Шыжым понго верым ончыкте-
ныт. Тыге нуно поро рвезылан
порылык дене вашештеныт.

Николай КОНСТАНТИНОВ.

Волжский, Пōтъял.



Пушенгым чаманен

Чодыра покшелне
куткышуэ шоген. Икана изи
Кутко, вачўмбакыже укшым пыш-
тен, корно дене кудалын. Шукшым ваш-
лийын.

– Шукш, могай сомыл дене кушко тарване-
нат? – йодын Кутко.

– Мый пушенгым нулташ вашкем, – вашештен
Шукш.

– Чу, чыталте! Мом ойлыштат? Тыгай чатка да
лывырге пушенгым кочкаш кузе тоштат? Тудо шортеш
да кошка. Ит тўкō пушенгым!

– Мыланем мотор пушенгак веле келша. Тамжат тамле,
пурлашат пушкыдо, – Шукш шонымыжымак ыштынеже.
Изи Кутко кугу пушенгым чаманен да вачўмбалсе
укшыжым Шукшлан пуэн коден.

Даниил ЯКИМОВ.

У Торъял, Токтарсола.

Пүртүс ылыжеш

Леве мардеж пуалеш,
Шошо толын – шижалтеш.
Кече шыргыж ончалеш,
Лумым чоян кычалеш.

Мланде утыр почылтеш,
Коремлашке вүд куржеш.
Пүртүс койын ылыжеш,
Шүлашат ласка лиш.

Наташа ИШМАНОВА.
Татарстан, Агрыз, Буймо.

Сылне пагыт

Пүртүсын эн мотор, эн сай
да эн йомартле пагытше –
шошо – толын. Кече мландымбак
шокшыжым утларак колта. Йүштө да
луман теле деч вара йырым-йыр чыла
чонан помыжалтеш. Южшат утларак
яндарла чучеш.

Мый шошо пагытым чот йоратем.
Вүдшор тылзын колымшо кечыштыже –
шочмо кечем. Кандаш ийым теменам.

Полина АЛЕКСЕЕВА.
Морко, Коркатово.



Фотом школын архивше гыч налме.

Чайын кечыже

Шүдымарий школышто Чайын тўнямбал кечыжым палемдышна. Тўрлө йодышлан вашмутым кычална, изирак сценкым модын ончыктышна. Музыкальный школышко коштшо ўдыр-рвезе-влак мурым йонгалтарышт. Пайремыште тўрлө чайым йўна. Мўнгтө гыч кўэшт кондымо когылым кочна. Туныктышыланна тыгай пайремым эртарымыжлан кугу таум ойлена.

Илья АНДРЕЕВ.

Синквейн

Кужэгер район.

Чай
Шеме, ужарге.
Кандара, куштылемда, эмла.
Кылмыше капым ырыкта.
Йўыш.
Р.АНТРОПОВА.
Советский, Ўрша.


– Мария Ивановна, товатлен ойлем, эрла гыч мўнгысө пашам жапыштыже ышташ тўналам, – ойла Муку.
– Тўй дечет тыгай ойым шуко гана колынам.
– Ындыже чынжымак тыге лиш. Мыйын кочам сулен налме канымыш лектын!



25 апрель – Кагаз гыч ыштыме самолётын кечыже.

Мастар кид

Сўретым ончен, кагазым тодыштын, самолётым ыштыза.



Кинде – тиде илыш

Кинде. Мо тудо? Тидым ик мут дене каласаш огеш лий. Кинде нерген ятыр муро, почеламут, ойлы-маш, повесть, калыкмут уло. Киндын акшым палыше ег кечмомат шонкален-вискален ышта. Тиде кочкышым нимо дене алмашташ огеш лий. Кинде – тиде илыш. Кинде – тиде вий.

Регина ГРИГОРЬЕВА.
Морко, Энерсола.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Ямде лий» газет.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысyo управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт тўрлө лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издателын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.
Тел. 8(8362) 45-22-82(факс)

Конкурс




Максим СТЕПАНОВ.
Морко, Шап Унчо.



**Кидмастар
улам**

Волжский район Пётъял школын
2-шо классыштыже тунемше-влак.

Кажне колызылан могай кол логалеш?




Ик шыртым верже дене вашталтен, чын вашмутым ыштыза.

Шагатлаште мьяр жапым ончыктыммо? Возыза.



Шотлыза да вашмут дене кельштарыза.



У мутым тунемына

Шола вельсе мут-влаклан пурла могырышто синонимым кычалза.

- вакшыш - вүдташкын, шарлама;
- вүдшор - шартыш, шарыш;
- ишке - нөшмө, том, пырче;
- толкын - ловык, вүдонго;
- кичке - артам, вешалке;
- крепость - талук, ий;
- ен - айдеме, калык;
- идалык - ор, карман;
- могыр - вургем, пого;
- лүм - нур, шурнывече;
- пасу - лүмнер, чап;
- чием - кап, капкыл;
- йолташ - тос, родо, таг.


Н.ДИЛЬБИНА, туныктышо.

Волжский, Карай.

Интернетысе сүрет-влакым кучылтмо.



Шотлыза:



$\text{flower} + \text{flower} = 16$
 $\text{flower} + \text{flower} = \text{flower}$
 $\text{flower} + \text{flower} = \text{flower}$
 $\text{flower} - \text{flower} = \text{flower}$

**Пеледыш-
влак дене
пример-
шамычым
ШОТЛЫЗА.**

Тушто

Вүдыш пура — иеш,
южым лектеш — чофешта.

$\text{flower} = \square$ $\text{flower} = \square$ $\text{flower} = \square$ $\text{flower} = \square$

